

08-07-2026

खबरां

- प्रधानमंत्री नरेंद्र मोदी होरें योग्याकार्ता च यूनेस्को विश्व धरोहर स्थल प्रबानन मंदर दा दौरा कीता।
- महिलाएं दे सशक्तिकरण ते सतत विकास पर सहयोग गी मजबूत करने लेई कोच्चि च दो दिवसीय ब्रिक्स महिला मंत्रिस्तरीय बैठक शुरू होई।
- केंद्री गृह मंत्री अमित शाह होरें हाढ़ प्रभावित राज्यें दे मुख्मंत्रियों कन्नै गल्ल कीती ते केंद्र आसेआ हर मुमकन सहायता दा आश्वासन दित्ता।
- कृषि मंत्री शिवराज सिंह चौहान होरें मानसून ते अल नीनो दी तैयारियों दी समीक्षा कीती।
- भारती मौसम विभाग नै देश दे मध्य ते पूर्वी हिस्सें च भारी बरखा ते गरज कन्नै तूफान औने दी मेद बुझ्जी ऐ।
- ते खेलो इंडिया यूथ गेम्स 2026 दी मेजबानी तेलंगाना करग।

<><><><><><>

PM-Pamban Temple

प्रधानमंत्री नरेंद्र मोदी होरें अज्ज इंडोनेशिया दे राश्ट्रपति प्राबोवो सुबियांतो हुंदे कन्नै योग्याकार्ता स्थित यूनेस्को विश्व धरोहर स्थल प्रबानन मंदिर दा दौरा कीता। प्रधानमंत्री हुंदा पारम्परिक गैमेलन वाद्य यंत्रें दी मधुर, धुन ते योग्याकार्ता दे शास्त्रीय नृत्य प्रदर्शन कन्नै सोआगत कीता गेआ जेड़ा इंडोनेशिया दी समृद्ध सांस्कृतिक विरासत गी दर्शादा ऐ। दौनें नेताएं नौवीं शताब्दी दे मंदर परिसर दा दौरा कीता जित्थे प्रधानमंत्री मोदी होरें मुख्म शिव मंदर च पूजा अर्चना कीती। उनें मंदर दी जटिल नक्काशी दा बी अवलोकन कीता ते भारत इंडोनेशिया सहयोग तैहत चला'रदे संरक्षण कार्यें गी बी दिक्खेआ। इक्क संयुक्त बयान च राश्ट्रपति प्राबोवो होरें आखेआ जे प्रबानन मंदर परिसर दे संरक्षण ते जीर्णोद्धार च भारत दे सहयोग लेई आभार व्यक्त कीता ते आखेआ जे सांस्कृतिक दौनें देशें गी जोड़ने आहले सेतु दा कम्म करदी ऐ।

<><><><><><>

PM-Deported

तोआई, प्रधानमंत्री नरेंद्र मोदी होरें इंडोनेशिया दी अपनी राजकीय जात्तरा पूरी करी लैती ते त्रै देशें दी अपनी जात्तरा दे दुए चरण लेई मेलबर्न खाना होई गे न। विदेश मंत्रालय दे प्रवक्ता रणधीर जायसवाल होरें सोशल मीडिया पर इक पोस्ट च दस्सेआ जे मित्रता दे विशेष प्रतीक दे रूपै च इंडोनेशिया दे राश्ट्रपति प्राबोवो सुबियांतो होरें प्रधानमंत्री मोदी होरें गी ब्हाई अड्डे पर विदाई दित्ती। जायसवाल होरें अगगे आखेआ जे इंडोनेशिया दी जात्तरा कन्नै सहयोग दे प्रमुख क्षेत्रें च महत्वपूर्ण परिणाम हासल होए न।

<><><><><><>

BRICS-Women Conference

ब्रिक्स महिला मंत्रिस्तरीय सम्मेलन अज्ज केरलम दे कोच्ची च शुरू होआ। महिला ते बाल विकास मंत्री अन्नपूर्णा देवी ते मंत्रालय च सचिव अनिल मलिक हुंदे सने होर केई मंत्री सम्मेलन दे मुख सत्र च शामिल होए। इस मौके सम्मेलन दा सांझा बयान बी जारी कीता गेआ। इस मौके राज्यमंत्री सावित्री ठाकुर होर बी मौजूद हिआं। सम्मेलन च 11 ब्रिक्स मिम्बर मुखें दे 100 कोला मते उच्ची सतह दे प्रतिनिधि हिस्सा लै करदे न। सम्मेलन दा विशे भारत दी अध्यक्षता आहले संदेश लचीलापन, नवाचार, सहयोग ते स्थिरता पर आधारित ऐ। अज्जै दी बैठका च ब्रिक्स महिला ट्रैक तैहत 4 मुख्य क्षेत्रें पर विचार बटांदरा कीता गेआ जिंदे च सुशासन ते नेतृत्व च महिलाएं दी भागीदारी बधाना, माली समावेशन गी बढ़ावा देना, महिला उद्यमता ते हुनर विकास गी प्रोत्साहन देना ते जलवायु कार्रवाई, खाद्य सुरक्षा ते पोषण च महिलाएं दी भूमिका गी मजबूत करना शामिल ऐ।

<><><><><><>

VP-Odisha Fisheries

उपराश्ट्रपति सी.पी राधाकृष्णन कल ओडिशा दे भुवनेश्वर च समुंद्री जैविक बन-सबन्नता दा संरक्षण कदे होई खुल्ले समुंद्रै च सतत मच्छी पालन लेई इख्तयार सरबन्धी पत्र ते ओडिशा गैहरे समुंद्री मच्छी पालन मिशन बारै दस्तावेज जारी करडन। मच्छी पालन विभाग आसेआ आयोजित इस कार्यक्रम च कोई 1 ज्हार मच्छी पालक करसान ते मछेरे हिस्सा लैडन। इस चाल्ली दा परमिशन दस्तावेज, 2025 बरै दे भारती झंडे आहले मच्छी बेडे आसेआ खुल्ले समुंद्रै च मच्छी संसाधन सरबन्धी दिशा-निर्देशें मूजब एहू लाजमी प्रावधान ऐ। ओडिशा गैहरे समुंद्री मच्छी पालन मिशन 2026-36 समुंद्री अर्थ बवस्था दी इक प्रमुख पैहल ऐ ते एहदा उद्देश्य राज्य दे समुंद्रै कन्नै लगदे इलाकें ते गैहरे समुंद्रै च पाए जाने आहले संसाधनें दी छमता दा पूरा इस्तेमाल करना ऐ ते ओडिशा गी गैहरे समुंद्रै च मच्छी पालन ते समुंद्री उत्पादें दे निर्यात दे इक प्रमुख केंद्र दे रूपै च स्थापित करना ऐ।

<><><><><><>

Shah floods

गृह मंत्री अमित शाह होरेंअ ज्ज तेज बरखा, हाड, जनेई स्थिति ते लहास-पस्सियां पौने करी प्रभावित केई राज्यें दे मुखमंत्रियें कन्नै गल्ल करदे होई उनेंगी केंद्र दी तरफा हर संभव सहायता दा आश्वासन दित्ता। श्री शाह होरें अज्ज महाराष्ट्र दे मुखमंत्री देवेन्द्र फडणवीस हुंदे कन्नै राज्य च तेज बरखें ते हाड गी लेइयै गल्लकत्थ कीती। श्री शाह होरें मुखमंत्री होरें गी आश्वासन दित्ता जे केंद्र सरकार संकट थमां निब्डने च महाराष्ट्र सरकार दी हर संभव सहायता करोग। पिछले किश दिनें थमां महाराष्ट्र च केई हिस्से तेज बरखा करी प्रभावित होए न। गृह मंत्री होरें गुजरात दे मुखमंत्री भूपेंद्र पटेल कन्नै राज्य च तेज बरखा ते पानी आई जाने कन्नै पैदा स्थिति बारै बी गल्लबात कीती ते राज्य गी केंद्र सरकार दी तरफा हर मुमकन मदाद दा आश्वासन दित्ता। तोआई, केरलम दे मुखमंत्री वी.डी सतीशन होरें सोशल मीडिया पोस्ट च दस्सेआ जे केंद्री गृह मंत्री अमित शाह होरें वायनाड आपदा दे सरबन्ध च उंदे कन्नै फोन पर गल्ल कीती। श्री सतीशन होरें आखेआ जे श्री शाह होरें स्थिति दा जायजा लैता ते राहत ते पुनर्वास प्रयासें लेई केंद्र सरकार दे पूरे पराते सहयोग दा आश्वासन दित्ता।

Kerala Ex Gratia

केरलम सरकार नै वायनाड च पस्सियां पौने करी जान मुहाने आहलें दे परिजनें गी 5-5 लक्ख रुपे दी सिंधी सहायता देने दी घोषणा कीती ऐ। मुखमन्त्री वी.डी सतीशन होरें आखेआ जे सायनाड घटना दी विस्तृत जांच दे बाद गै फ्ही कम्म शुरू होग। राश्ट्री आपदा मोच बल दी दो टीमां अजें बी घटना आहली थाहर पर मजूद न। मुखमन्त्री होरें थिरुवंथपुरम च दस्सेआ जे अजें बी 5 लोक लापता न ते तपाश अभिजान जारी ऐ।

<><><><><><>

Shivraj Review Meeting

कृषि ते करसान कल्याण मंत्री शिवराज सिंह चौहान होरें अज्ज आखेआ जे हाल दे दिनें च देश दे केई हिस्सें च अच्छी बरखा होई ऐ जिस करी घट्ट बरखा आहले जिलें दी संख्या 262 थमां घटिये 178 होई गेई ऐ। मंत्री होरें एहू गल्ल नमीं दिल्ली च अलनीनो दे संभावित प्रभाव पर उच्च स्तरीय समीक्षा बैठक दी अध्यक्षता करदे होई आक्खी। उनें दस्सेया जे जून च 33 फीसद बरखा दी कमी दर्ज कीती गेई ही, मगरा जुलाई च मानसून दी स्थिति च सुधार होआ ऐ।

<><><><><><>

Shah-Rijju Tributes Chandersheksher

मुखै दे केई नेताएं अज्ज साबका प्रधानमंत्री चंद्रशेखर हुंदी बरसी दे मौके पर उनेंगी श्रद्धांजलि भेंट कीती ऐ जिंदे च गृह मंत्री अमित शाह ते संसदी मामलें दे मंत्री किरन रिजिजू बी शामिल न। अपने श्रद्धांजलि स्नेह च नेताएं उन्दे समाजवादी विचारें, सादगी ते राष्ट्रहित च कीते गेदे कम्में गी चेता कीता। गृह मंत्री अमित शाह होरें आखेआ कि चंद्रशेखर होरें भारती राजनीति च अपनी इक बक्खरी पंछान बनाई ते उंदा संघर्षे भरोचा जीवन म्हेशां देशवासिणें लेई इक प्रेरणा दा स्रोत बने दा रौहग। तोआई, संसदी मामलें दे मंत्री किरन रिजिजू होरें उनेंगी भावें-भरोची श्रद्धांजलि भेंट करदे होई समाजी न्याय ते लोकतांत्रिक मुल्लें-कट्रें लेई साबका प्रधानमंत्री हुंदे समर्पण गी भारती राजनीति दा नमुल्ला विरसा करार दित्ता।

<><><><><><>

Terrorist Killed

जम्मू-कश्मीर पुलसै अज्ज आखेआ ऐ जे सुरक्षाबलें शोपियां दे Chanapora इलाके च इक टाकरे दुरान इक आतंकवादी गी मारी मकाया ऐ। पुलसै दस्सेआ ऐ जे सेना ते सी.आर.पी.एफ आसेआ सांझे तौर पर अभियान चलाया गेआ। आई.जी.पी वी.के बिरदी होरें आकाशवाणी समाचार कन्नै गल्ल करदे होई दस्सेआ जे मारे गेदे आतंकवादी दी लोथ टाकरे आहली थाह थमां ओहदी लोथ ते असला बरूद बरामद कीता गेआ ऐ। मारे गेदे आतंकवादी दी पंछान कीती जा'रदी ऐ। तोआई, अनंतनाग पुलस नै Sarbal इलाके थमां त्रै ओवर ग्राउंड वर्कर्स गी गिरफ्तार कीता ऐ। चेहरे राणें पंछान करने आहले सरिस्ते राणें समें पर अलर्ट जारी होआ। पुलसै आखेआ ऐ जे तकनीक आधारित कार्रवाई कन्नै उंदी

बचनबद्धता दा पता लगदा ऐ जे ओह जात्तरा गी सुरक्षित बवस्था आहले ढंगै ते बिजन कुसै माड़ी हरकत दे करोआना यकीनी बनाने लेई लगातार जत्न करा'रदे ना।

<><><><><><>

Amarnath-Yatra

श्री अमरनाथ जात्तरा-2026 रमानदारी ते बवस्था आहले ँंगै सिर जारी ऐ ते पैहले 5एं दिनें च 1 लक्ख 13 ज्हार कोला मते श्रद्धालु पवित्तर गुफा च दर्शन करी चुके दे ना। अज्ज बी जम्मू थमां 9 ज्हार 837 श्रद्धालुएं दा इक नमां जत्था घाटी लेई रवाना होआ। जात्तरा गी लेइयै श्रद्धालुएं दे जोश ते मती गिनतरी च इत्थै औने कन्नै पिट्टे, पालकी आहले, घोडे-खच्चरें आहले सब्बै बडे खुश न कीजे उनेंगी जात्तरा दरान शैल पैहे बट्टने दा मौका थ्होंदा ऐ जेहदी बढौलत साल भर उनेंगी अपना जीन बेहतर ढंगै कन्नै जीने च मदद थ्होंदी ऐ। एहू लोक प्रशासन आसेआ कीते गेदे बंदोबस्तें कन्नै बी खुश ना।

<><><><><><>

Weather

भारती मौसम विभाग नै देश दे मध्य ते पूर्वी हिस्सें च तेज बरखें ते बिजली चमकने दा ओरेंज अलर्ट जारी कीता ऐ। जम्मू-कश्मीर, लद्दाख, हरियाणा, चंडीगढ़ ते हिमाचल प्रदेश च मध्यम थमां तेज बरखा दा अनुमान ऐ। मौसम विभाग नै दक्खन पच्छिम, मानसून दे अगले दो-त्रै दिनें च उत्तरी अरब सागर, राजस्थान, हरियाणा ते पंजाब दे बाकी हिस्सें सने पूरे देश च अगगे बधने दी मेद बुज्झी ऐ।

<><><><><><>

Khelo India

8में खेलो इंडिया यूथ गेम्स-2026 दी मेजबानी तेलंगाना करग। केंद्री युवा मामले ते खेडू मंत्री डा. मना_ख मांडविया होरें अज्ज एहू घोशणा कीती। उनें आखेआ जे एहू खेडू देश दे युवाएं गी अपनी खेडू प्रतिभा दस्सने लेई इक होर मंच प्रदान करग। मंत्री होरें अगगे आखेआ जे एहू पैहल प्रधानमंत्री नरेंद्र मोदी हुंदे देश भर च जमीनी स्तर पर खेडू प्रतिभाएं गी पोषित करने दे नजरिये थमां प्रेरित ऐ।

<><><><><><>

US-Iran

ईरान नै अपने होमूजगान प्रांत ते महशहर बंदरगाह पर अमरीकी हमले दे जवाब च अमरीकी फौजी ठकानें पर जवाबी हमले कीते ना। ईरानी मीडिया दे मताबक इस्लामिक रिवोल्यूशनरी गार्ड कोर दी नौसेना ते अंतरिक्ष बलें संयुक्त रूप कन्नै मिसाइल ते ड्रोन हमले कीते जिस च 85 अमरीकी फौजी ठकानें गी नशाना बनाया गेआ। इंदे च सलमान बंदरगाह, बहरीन च अमरीकी 5में बेडे दा मुख्यालय ते कुवैत च अली अल सलेम वायु सेना शामिल ऐ। ईरानी मीडिया नै आई.आर.जी.सी दे इक प्रवक्ता दे हवाले कन्नै दस्सेआ जे देश दी वायु सरक्षा प्रणालियें नै बुशहर प्रांत दे उप्पर इक्क अमरीकी एम.क्यू-9 ड्रोन गी मारी डगाया।

<><><><><><>

ASEAN-India Trade

भारत नमीं दिल्ली च 13मीं आसियान-भारत बपार समझौते दी संयुक्त समिति दी बैठक दी मेजबानी करा'रदा ऐ जिसदा मकसद आसियान भारत बपार समझौते दी समीक्षा गी अगगे बदाना ऐ। संयुक्त समिति दी बैठक ते इस कन्नै सरबंघति होरनें बैठकां इस माह दी 6 थमां 10 तरीक तगर हाइब्रिड प्रारूप च आयोजित कीती जा'रदी ऐ। वाणिज्य एंव उद्योग मंत्रालय नै आखेआ जे संयुक्त समिति नै उप समितियें गी उंदे सरबंघित कार्ज क्षेत्रें च रणनीतिक मार्गदर्शन प्रदान कीता ते उंदे संयुक्त समिति दी समीक्षा दे अंतर्गत लंबित अध्यायें गी तौले थमां तौले अंतिम रूप देने दा आग्रह कीता। उप समितियें गी समेबद्द कार्य सौंपे गे ते उनें निधारित समे-सीमा दे अंदर ठोस परिणाम प्राप्त करने लेई मिले दे कम्म करने लेई प्रोत्साहित कीता गेआ।

<><><><><><>